



KENYATAAN MEDIA

ISLAMIC RELIEF MALAYSIA

15 MEI 2018

LUKISAN BUNGA LILAC JADI TARUHAN KEMPEN MISIJA4BOSNIA

KAJANG, 15 Mei – Pasukan Misija4Bosnia dari Squad Celebrity Global Volunteers hari ini menerima dua buah lukisan berinspirasikan sebuah masjid dan bunga Jorgovan (Lilac) di Bosnia and Herzegovina hasil sentuhan pendakwah terkenal tanah air, Ustazah Asni Mansor.

Majlis penyerahan itu diadakan di At-Teen Gallery milik Ustazah Asni Mansor dihadiri oleh Ketua Bahagian *Partner Care* Islamic Relief Malaysia (IRM), Kamarul Halim Sakrani dan Presiden Ukhwah 4 Ummah (U4U), Mohamad Sharudin Dawam.

Hujung April lalu, Ustazah Asni Mansor bersama pasukan Misija4Bosnia yang turut dianggotai oleh Diana Amir, Farah Lee, Ashraf Muslim serta wakil dari IRM dan U4U telah berlepas ke Bosnia and Herzegovina bagi menyempurnakan misi kemanusiaan bertujuan untuk meraih dana sebanyak RM600,000.

Pada majlis itu, dua buah lukisan bernilai RM5,000 dan RM10,000 setiap satu akan dilelong bermula 15 Mei sehingga 31 Ogos 2018 dan hasil lelongan akan dimasukkan ke tabung Misija4Bosnia. Penyertaan boleh dibuat melalui laman web www.ukhwahforummah.org

Dana yang dikumpul melalui projek Misija4Bosnia akan digunakan bagi membantu rakyat Bosnia and Herzegovina melalui sektor kehidupan mampan seperti bantuan alat pengering makanan, rumah hijau dan penanaman semula hutan.

Orang ramai yang ingin menyumbang untuk tabung Squad Celebrity Global Volunteers boleh berbuat demikian di www.islamic-relief.org.my. Hubungi 03-8926 3434 untuk maklumat lanjut.

Squad Celebrity Global Volunteers

Projek Squad Celebrity Global Volunteers telah dilancarkan pada 4 April 2018 oleh Ketua Pegawai Eksekutif IRM, Zairulshahfuddin Zainal Abidin dan Presiden U4U, Mohamad Sharudin Dawam.

Projek ini bertujuan untuk meraih dana kemanusiaan sebanyak RM2.4 juta melalui empat projek pembangunan Islamic Relief (IR) di Malawi, Bosnia & Herzegovina, India dan Filipina.

12 barisan selebriti tempatan terlibat di dalam projek ini iaitu Irma Hasmie, Redza Shah, Lufya Omar, Diana Amir, Farah Lee, Ashraf Muslim, Faizal Ismail, Fara Fauzana, Zoey Rahman, Lah Ahmad, Nadia Sabrina dan Dhirar Zainal.

Menurut Zairulshahfuddin, IRM mengatur pelbagai pendekatan berbeza setiap tahun bagi mendekati masyarakat dan menyampaikan kempen kesedaran mengenai isu-isu kemanusiaan yang berlaku di peringkat global.

“Sejajar dengan visi IRM yang ingin mewujudkan dunia yang prihatin, IRM tahun ini menggembeleng usaha bersama pihak U4U dalam memastikan 12 selebriti ini menyelami kehidupan dan penderitaan yang dilalui oleh penerima manfaat di empat buah negara sekaligus dapat menyebarkan mesej kemanusiaan tersebut kepada masyarakat,” ujar Zairulshahfuddin.

Empat projek Squad Celebrity Global Volunteers:

Negara	Projek	Sektor Bantuan	Selebriti
Filipina	Tabang4Marawi	Kehidupan Mampan	Irma Hasmie, Redza Shah, Lufya Omar
Bosnia & Herzegovina	Misija4Bosnia	Kehidupan Mampan	Diana Amir, Farah Lee, Ashraf Muslim
Malawi	Water4Malawi	Air, Sanitasi & Kebersihan	Faizal Ismail (FBI), Fara Fauzana (Fafau), Zoey Rahman
India	School4Godda	Pendidikan	Lah Ahmad, Raja Sabrina, Dhirar Zainal

Mengenai Islamic Relief (IR)

Diasaskan di United Kingdom pada tahun 1984, Islamic Relief Worldwide (IR) merupakan sebuah organisasi bantuan dan pembangunan amal antarabangsa yang bebas dan bukan berpaksikan politik. IR diiktiraf sebagai sebuah badan bukan kerajaan dengan status perundingan khas sejak tahun 1993 oleh Majlis Ekonomi & Sosial PBB (UNECOSOC). IR menyediakan bantuan kemanusiaan dalam pelbagai bidang termasuk bantuan kecemasan, pembangunan mampan sosial bersepada (termasuk perubatan, pembangunan komuniti, pendidikan, kehidupan, tempat tinggal, psikososial) dan pengurangan risiko bencana. IR membantu mereka yang memerlukan tanpa mengira kaum, agama, jantina atau kefahaman politik tanpa mengharapkan sebarang balasan.

Sejak 1984, IR telah berkhidmat di lebih 45 buah negara dan mempunyai rangkaian tetap di lebih 35 buah negara merangkumi 100 buah cawangan di seluruh dunia yang bertanggungjawab untuk menyelaras, menjana dana dan melaksanakan program-program IR.

YABhg. Tun Dr. Mahathir Mohamad telah melancarkan penubuhan IRM pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjanaan dana (bagi projek antarabangsa & tempatan) dan pelaksana projek tempatan.

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu www.islamic-relief.org.my atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI / KAD KREDIT

MOBILE APPS | IR Malaysia

Zairulshahfuddin Zainal Abidin

Ketua Pegawai Eksekutif, Islamic Relief Malaysia

- Tamat-

**Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor**

Untuk maklumat lanjut, sila hubungi **Unit Media**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my